

Allannguutissatut siunnersuut

uunga

**Uunga siunnersuut:**

**Inatsisartut inatsisaat nr. xx xx. xxx 2021-imeersoq Nuummi Qasigiannguani Aasiannilu  
erngup nukinganik nukissiorfissat taakkununngalu atortussat  
aninggaasalersorneqarnissaannut ingerlanneqarnissaannullu sinaakkusersuutit**

Aappassaanneerneqarnissaanut Naalakkersuisunit saqqummiunneqartoq.

Inatsisissatut siunnersuutip taaguutaanut

**1. Siunnersuutip taaguutaa imatut oqaasertalerneqarpoq:**

**“Uunga siunnersuut:**

**Nuup kiisalu Qasigiannguit Aasiaallu pilersorneqarnerannut erngup nukinganik  
nukissiorfinnik taakkununngalu atatillugu atortunik sanaartornermut, aninggaasalersuinermut  
ingerlatsinermullu killiliussatut atugassarititaasut pillugit Inatsisartut inatsisaat nr. xx, uu.  
qqqq 2021-meersoq”.**

§ 1-imut

**2. § 1 imatut oqaasertalerneqarpoq:**

” **§ 1. Nuup kiisalu Qasigiannguit Aasiaallu pilersorneqarnerannut erngup nukinganik  
nukissiorfinnik taakkununngalu atatillugu atortunik sanaartornermut, aninggaasalersuinermut  
ingerlatsinermullu killiliussatut atugassarititaasut Inatsisartut inatsisaatigut aalajangersarneqarput.”**

§ 1-ip kingorna qulequutanut

**3. § 1 kingorna qulequataa imatut oqaasertalerneqarpoq:**

” **Erngup nukinganik nukissiorfimmik taakkununngalu atatillugu atortunik sanaartorneq  
allilerinerlu”.**

§ 5-imut

**4. § 5 imatut oqaasertalerneqarpoq:**

” **§ 5.** Tamakkiisumik imaluunniit ilaannakuusumik suliniummi ilaasunut sanaartugassanut inatsimmi ilaasunut Naalakkersuisut aningaasaliissutissanik taarsigassarsisinnapput, akiitsut ataatsimut annerpaaffissaat 3,1 mia. DKK-it iluanni.

*Imm. 2. Naalakkersuisut taarsigassarsiatut aningaasaliissutissat imm. 1 naapertorlugu Nukissiorfiit taarsigassarsiteqqissinnaavaat, inatsit naapertorlugu sanaartugassat aningaasalorsorneqarnissaannut atatillugu.*

*Imm. 3. Imm. 2-mi eqqaaneqartut aningaasanik taarsigassarsinerit ingerlanneqarsinnaanngillat atugassarititaasut Naalakkersuisut aningaasanik taarsigassarsinermikkut pissarsiarisimasaannit pitsaanerusunik tunngaveqartillugit.”*

**§ 10-imut**

**5. § 10 imatut oqaasertalerneqarpoq:**

” **§ 10.** Allagaatit, taarsigassarsinermut atatillugu allagaatit, naqitanngorlugit suliarineqarneri aamma uppernarsaatit il.il., pilersitanut aamma sanaartukkanut Inatsisartut inatsisaannut matumunnga atatillugu suliaasut, pisortanut naqissusiinikkut akitsuusigassaatitaanngillat.

*Imm. 2. Naqissusiinikkut akitsuummik akiliisussaatitaannginnermut ilaapputtaaq allagaatit aamma taarsigassarsinermut atatillugu allagaatit il.il. pigisanik nalilinnik tunniussinerni imm. 1 naapertorlugu suliaasut.”*

Inatsisissatut siunnersuummut nassuaatit

**Nassuaatit nalinginnaasut**

Allannguutissatut siunnersuut inatsisissatut siunnersuutip kalaallisoortaani oqaatsitigut ataasiakkaanik kukkunerit amigaataasullu naqqiissuteqarfinginissaat siunertaralugu saqqummiunneqarpoq.

**Inatsisissatut siunnersuummi aalajangersakkanut ataasiakkaanut nassuaatit**

*Nr. 1-imut*

Allannguutissatut siunnersuummut nassuaatit nalinginnaasut innersuussutigineqarput.

*Nr. 2-mut*

Allannguutissatut siunnersummut nassuaatit nalinginnaasut innersuussutigineqarput.

*Nr. 3-mut*

Allannguutissatut siunnersummut nassuaatit nalinginnaasut innersuussutigineqarput.

*Nr. 4-mut*

Allannguutissatut siunnersummut nassuaatit nalinginnaasut innersuussutigineqarput.

*Nr. 5-imut*

Allannguutissatut siunnersummut nassuaatit nalinginnaasut innersuussutigineqarput.